

國朝宮史續編

國朝宮史續編卷之九十八

書籍二十四

圖刻二

高宗純皇帝御題平定兩金川得勝戰圖十六詠一

分

銅板紙印本縱一尺六寸
橫二尺八寸凡十六幅

第一幅收復小金川戰圖

聖製將軍阿桂奏報收復小金川全境詩以誌事

事之將難上峻山事之將易下順水旬日全定小金
川幅員五百有餘里迴思六月債事時猖獗賊亦迅

若此一朝失亦一朝得

天道好還原定理整兵直進討促浸雪嶺險滑仍如
彼擬欲持以久困之復慮師老致委靡費勇及鋒而
用壯一月三捷心焉企我非黷武願佳兵捷伐由來
不得已

第二幅攻克喇穆喇穆及日則了口戰圖

聖製將軍阿桂奏報大兵攻克喇穆喇穆山梁及日
則了口詩以誌事

色湖晉克固可進喇穆喇穆轉在後山梁上有賊戰

礮直進仍虞彼掣肘我兵相勢分營圍而匪聚徒亦
嚴守惟彼峰尖兩大礮助崖如削猿難走以故賊不
甚堤防得此斯為踞其首搃吮拊背則無難搗虛抵
隙或堪取分兵路路各進攻別選精銳登峰屺峭壁
直上千仞高以頂繼踵翼為手須臾遂克兩戰礮賊
衆盡殲無一漏叶其餘各礮雖力拒我圍益堅魚在
留賊知難拒盡棄遁我兵追戮多僵仆叶乘勝勇氣
百倍增並即克日則了口是役諸將皆用力而海蘭
察功最右相機取遜克爾宗佇待捷音奏囊剖

第三幅攻克羅博瓦山碉戰圖

聖製將軍阿桂奏報攻克羅博瓦山碉痛殲賊衆相
機進勦詩以誌事

羅博瓦最高四峰互圍擁危石鎖巖芽冰巖滑衆徒
賊緊要門戶死守弗開空然勢在必取將軍申戒董
八旗子弟兵其中多將種心既堅忠義力倍加拳勇
偏伍與彌縫部署勞洞洞夜發曉將及賊聚拒衝湧
據高直下擣我師屹弗動待其近至前持滿無不中
叶綠旗及土練激勵均躍踴履險如席平騰高擬鳥

駿乃矛短兵接賊敗不旋踵隴種奔紫角棍踉逃穴
孔兩日尅八碉廿六卡獲冗賊巢斯已近一鼓期收
總然予更有思好生承

天寵逸德玉石焚佳兵誠宜奉渠魁所弗赦脅從實
情懂曉之令歸命倒戈或陰拱誅殺既弗亟成功庶
速鞏寄諭相咨諏慎事惟虔竦

第四幅攻克宜喜達爾圖山梁戰圖

聖製副將軍明亮奏攻克宜喜達爾圖山梁已據要
隘籌進取賊巢詩以誌事

宜喜達爾圖賊之北門戶攻已一歲餘曾未進數武
所以豐昇額改圖易西路叶明亮進正地復以遇險
沮亦欲往西路已謂議可許阿桂令其迴牽綴由宜
喜叶昨接阿桂奏攻碉進了口叶晴明望宜喜賊碉
毀弗覩但見我軍營列據山梁處疑信尚未定今朝
奏囊剖叶分攻彼七碉奮勇齊並舉一時皆即克兼
得格勒古惟餘第四碉勵衆期必取成功神且速嘉
勞大難盡語而實賴

天佑助順默相輔賊巢已逼近墻壁應難禦諸臣既

同心和則力共勞定功膺茂褒捷音日夜佇

第五幅攻克日旁一帶戰圖

聖製副將軍明亮攻克日旁一帶碕寨詩以誌慰

三軍同力勞諸軍一心佳達爾圖雖險日旁梯可階
分兵還選隊入菁更緣崖正正旗先展堂堂陣自闐
聲東擊西應前至後登皆流鏑飛攬撮抱頭互擠排
石包難復守沙壩亦淪埋望已賊巢近擣從虛處撲
夾攻知日指大捷候星差和起真有子欣餘切感懷

第六幅攻克康薩爾山梁戰圖

聖製將軍阿桂奏報攻克康薩爾山梁碉寨木城詩
以誌事

自克默格爾山梁滿擬即逃平賊信侵尋待之逾兩
月密拉噶拉兵仍頓蓋緣已扼賊門戶因以死守防
益慎彼處跬步無非山石劍蠶叢尤難進於康薩爾
築碉寨弗遺餘力據險峻嘉哉我將及吏卒敵愾同
志衆積恨拔彼鹿角越彼濠直逼碉根登奮迅堅壘
深窖一時摧大韃大膊不遺愆三日殲賊二百餘遂
奪山梁高萬仞石碉凡十木城四近碉寨卡全收盡

叶齊心努力悅以憐晉賚持旌夫豈靳勒爾蒙依舊
即擣迅雷不及掩耳震譬如破竹已裂節其解自當
速迎刃事半功倍豈期然為山九仞懼尤甚叶佇俟
紅旗報大捷竭誠惟願

天助順

第七幅攻克木思工噶克了口戰圖

聖製將軍阿桂奏報攻克木思工噶克了口等碉柵
詩以誌事

自報克獲康薩爾頓兵三月未能進雖時斬勦賊小

創以近巢穴守愈峻定計兩路為夾攻宜喜下壓乘
其釁精兵既益調遣定爰趁天晴入奮迅了口為賊
境咽喉未因宜喜潛抽引而我將卒鼓敵愾直冒烟
火無回吝三面險碕一時奪自此徑進勢應順西路
捷實賴

天佑更稱望見北路近得楞碕卡已攻獲薩克薩谷
下一瞬一日可收三年功佇待明亮報實信

第八幅攻克宜喜用索等處戰圖

聖製副將軍明亮奏報攻克宜喜用索等處碕卡詩

以誌事

去年宜喜據山梁未進都因去路長
增調官軍足供用更相籌畫總抒良
日旁別綴聊虛擲甲索先攻且試嘗
鼓勇遂教分隊入剪先都勵一心強
調平柵克力羣奮訊執醜擒氣越揚
乘勝齊兵擬下壓截前料賊即奔忙
兩軍會合指旦晚衆志歡呼益龜
獲三捷勒烏圍最近紅旗第一到懸
望

第九幅攻克石真噶戰圖

聖製副將軍明亮奏報攻克石真噶
賊碉詩以誌事

宜喜雖經下壓攻近集力守聚羣戎因教逾月阻多
砦忍報雙個尅衆雄軍雜役喧進猶巧將先兵奮效
惟忠石包已俯勒圍背捷盼紅旗指日中

第十幅攻克蕃則大海昆色爾山梁並拉枯

喇嘛等處戰圖

聖製將軍阿桂奏報攻克蕃則大海昆色爾山梁並
拉枯喇嘛寺等處詩以誌事

勒圍望見阻已占統路進攻兵出潛騰石攀林越溝
底屯蜂附蟻上碉尖百餘處尅窮巢近三日力殫羣

賊殲將卒一心同効蓋可嘉并與可憐兼

第十一幅攻克勒烏圍戰圖

聖製阿桂奏摺至知攻克勒烏圍詳悉詩以誌事
勒烏圍賊雋官寨垣固礮高不易攻石卡木城接鱗
次水臨山背據巖叢計窮百變同據蓋志合三軍共
建功優敘先行循令典歲庸封爵待恩崇

第十二幅攻克科布曲索隆古山梁等處戰圖

聖製將軍阿桂奏報攻克科布曲索隆古山梁等處

碉寨即期迅擣賊巢詩以誌事

西里尅來達一月賊巢近復阻山梁索隆古據建瓴
勢嚙喇依頻覆卵殃冒險衝鋒資衆力除兇助順賴
天慶紅旗早晚其將至益切中宵盼不違

第十三幅攻克嚙喇依報捷圖

聖製將軍阿桂奏攻克嚙喇依賊巢紅旗報捷喜成

凱歌十首

恭
戴
前
卷
宮
敕
門

第十四幅凱旋圖

聖製於郊臺迎勞將軍阿桂凱旋將士等成凱歌十

首

郊臺仍是此郊臺何幸重修盛事來漫謂數年經契
潤精神注似日相倍 勳臣率拜列靈旗軍士鳴螺
赫武儀樂奏鏡歌行抱見詰戎

家法萬年垂 己巳班師本受降庚辰郊勞典鴻龐
放牛歸馬予素志凱獻何期此見雙 準部回城定
五年金川小寇亦如前嘉予將士久敵愾不覺對之
增惻焉 地險如之衆志堅林礪步步戰而前小於
昔事難過倍慰意恒因意惘然 鑿穴而居避火器

終於面縛出蕃城貪生螻蟻固如此聚族將焚語豈
誠 倏經于役五春秋棧道崎嶇似坦郵夾路花紅
復柳綠何誰致悔覓封侯 脫却戎衣換吉衣龍章
示獎持恩稀同心戮力還掄最便解天閒賜六飛

兵洗金川永不波潢池跋扈竟如何良鄉近遠多黎
庶歡喜都來聽凱歌 凱歌亦豈易為聞五歲辛勤
勞衆軍我實未曾安五夜幾多憂慮與平分

第十五幅受俘圖

聖製金川平定御午門受俘即事成什

恭
載前卷
宮殿門

第十六幅 凱宴圖

聖製四月二十八日紫光閣凱宴成功諸將士詩

恭

前卷典
禮門

御題平定臺灣戰圖一分

銅板紙印本縱一尺六寸
橫二尺八寸凡十二幅

第一幅 進攻斗六門戰圖

聖製福康安奏大勦諸賊開通諸羅並進攻斗六門
賊勢潰散信至詩以誌慰

笨港雖攻取諸羅仍艱進幸早續發兵重臣威名震
勇將選以百新兵強夙振渡海雖遲日以遲翻成迅

齊力遂翦瀛一日風資順進由鹿仔港三朝倏臨陣
大克奮仔頂一當百以奮蔗田及草寮蹂躪率稱盡
叶 卽解諸羅圍資賊糧胥運勞軍及義民歡呼追饑
饑全活數萬命旌功恩不吝彰善樹風聲嘉義名新
晉善攻斗六門破竹應解月佇勦大里杙賊首生擒
訊指日以俟之速遞大捷信

第二幅大埔林戰圖

聖製補詠大埔林之戰詩

諸羅圍解迤南通斗六門當所必攻不與暇因操勝

計破其堅乃易成功路經三埔皆酣戰賊擁千羣尚
肆誑大膊大鞞消頃刻雄風何異捲飛蓬

第三幅攻克斗六門戰圖

聖製福康安奏報攻克斗六門詩以誌事

斗六門攻克今朝至捷音連聞因海上別信遞山陰
百戰雄皆勝諸臣嘉不禁東南望翹企實報首先擒

第四幅攻克大里杙戰圖

聖製福康安奏報攻克大里杙賊巢詩以誌事

斗六門既取直前抵賊巢躍溪飛馬渡掃穴短兵交

背壘犯雄陣乘宵揮遁鞘渠魁猶待獲盼切捷旌梢

第五幅集集埔戰圖

聖製補詠集集埔之戰詩

攻開大里逆潛逃領衆追蹤佈置牢齊率健兵涉溪
險別差精騎據峰高有奔無路賊投水恩并威行士
飲醪此是內山第一戰首先將逮奔其膏

第六幅攻勒小半天山戰圖

聖製福康安等奏攻勒小半天山賊匪并圍截賊首

情形詩以誌事

曉接軍營報攻平小半天前稱獲眷屬今復走兇奸
與暇近旬日聚羣至二千層層涉持重屢屢戒遲延
將士真宣力領軍可謝愆並行賞與飭期速奏功全
第七幅生擒逆首林爽文戰圖

聖製福康安摺奏生擒逆首林爽文信至詩以誌事
大里仄摧破巢穴頻繁馳諭戒逍遙撫降輯衆日無
暇執訊招番井有條究得生擒盡美善不教餘孽伏
根苗移師南指如破竹待捷音惟暮與朝

第八幅大武壠戰圖

聖製補詠大武壠之戰詩

首逆已從內山獲次惟南路大田並存當車尚作螳
臂計武壠空傳蟻陣屯攬戾破堅千隊奮駭驚喙窺
一時奔舟師更遣豫防海餘狃真成釜底魂

第九幅枋寮戰圖

聖製補詠枋寮之戰詩

枋寮武壠比隣接敗後賊人聚守岑頗解沿山截後
路那枋勦隊出深林蜂屯蟻雜都喪膽倡亂逞奸爾
悔心投海沙蟲不計數大田山窺待生擒

第十幅生擒莊大田戰圖

聖製福康安奏報生擒莊大田信至詩以誌喜

正股捷信盼連朝忽接佳音至自逸鹿耳鯤身防海
逸柴城瑯嶠獲山跳一之為甚竟至再鳴旣成擒豈
赦鴟永靖瀛壖揚國武益深脫業

昊恩昭

第十一幅渡海凱旋圖

聖製福康安奏報抵夏門登岸並巴圖魯侍衛等皆
平安渡海凱旋詩以誌慰

往征進旅遲成速回渡登舟危得安可識臣忠

天必佑益欽

神護衆胥歡除光旋凱事全歲肝慮宵榮念始寬自
顧何修叨

助順持盈惟勵慎君難

第十二幅凱旋賜宴圖

聖製賜凱旋將軍福康安叅贊海蘭察等宴即席成
什

去年此際未登程歲績今朝凱宴迎來往算成先一

月驅馳真是賴羣英國威海嶠揚惟烈

祖德山莊佑實明迴憶盱宵斯孽盡不徒勞耳慰猶
誠慰中豈不自懷慙何致愚民蹈法甘論武邊防乃
就地曰文諸吏率為貪債轅方悉誠吾過伏鎖矣辭
信彼堪善後雖云大端定猶餘屋念望東南

善彼詳陳十六條用斯兩月駐成遙抒獻山海安萬
姓錫宴君臣會一朝念汝父當愜懷永視如子合受
恩饒受恩饒處人知否不嗜殺邀

天惠昭

西域金川宴紫光臺灣凱席值山莊敢稱七德七功
就又報一歸一事償戒滿持盈增惕永安民和衆繫
懷長養年歸政應非遠益此孜孜勵自強

御題平定廓爾喀戰圖一分

桐板紙印本縱一尺六寸橫二尺八寸凡八幅

第一幅攻克擦木戰圖

聖製攻克擦木圖詩

今為歸順昔歸降一廓爾喀事有雙未示兵威且利
响豈知乞命獻誠腔可嘉名將及勇士何礙存印遂
定隴擦木首攻即前進戰圖補詠靖番邦

第二幅攻克瑪噶爾轄爾甲戰圖

聖製攻克瑪噶爾轄爾甲圖詩

乘勝遂教鼓勇前
瑪噶爾轄地相連
密林伏賊將守
險峭壁降去聲兵
倏破堅其目七
名衆六十生擒
以半別殲全
雖云不戰功為
上戰即成功
合詠篇

第三幅攻克濟龍戰圖

聖製攻克濟龍圖詩

番境濟龍西極邊
賄求彼尚占依然
石牆木卡層層
固據險阻堅處處
連冒雨衝宵分路
進破碉克寨一

時全近千殲賊復藏地多害生靈亦覺憐

第四幅攻克熱索橋戰圖

聖製攻克熱索橋圖詩

復全番境臨廓境一水橫流熱索河其北其南賊骨
禦即深即險我須過索拉直進大勦彼我緣上游繞
壓他乘勝正兵架橋渡莫非

天助感誠多

第五幅攻克協布魯戰圖

聖製攻克協布魯圖詩

熱索橋過路可通未逢賊架進追窮前臨協布音峴
七聚上統橫河得壓馮無不克攻戰必勝有餘力蓄
勦爭雄堪嘉敵愾心同一每閱飛章憐切衷

第六幅攻克東覺山戰圖

聖製攻克東覺山圖詩

愈近賊巢守愈固兼之地更險而紆分兵爭首穿幽
阻合隊埋根克要區手足胼胝胥情竄精神鼓舞益
勤勦有征無戰雖傳古將惠兵忠實快吾

第七幅攻克帕朗古戰圖

聖製攻克帕朗古戰圖詩

分路橫河帕朗進乞恩越切越啟還將軍所檄都遵
命堪補曾遮懼見願何必犁庭不遺介逐教振旅一
時班年前捧表陪臣至更有崇恩厚賜頌

第八幅廓爾喀陪臣至京圖

聖製廓爾喀陪臣至京詩

七戰由來七獲捷歷觀惇史鮮誠達自惟罪重徹原
疏可示恩寬復舊封繳冊還金歸次第承筐載索俾
從容乃知德服勝威服

吳貺欽蒙滋勵恭

御題平定安南戰圖一分

銅板紙印本縱一尺六寸橫二尺八寸凡六幅

聖製補詠安南戰圖序

詢孫士毅安南戰事縷晰以陳因命畫院各為之圖
補詠近體而序之曰

安南戰圖非如伊犁回部金川臺灣之始以戰而終
以成功也非以戰成功則可弗圖而圖之者實緣我
將帥之臣軍旅之士涉遠冒險攻堅破銳更有抱忠
捐軀者不為之圖以紀其績則予何忍且旣惠之悔

罪乞降原因有征斯亦未嘗非始終一事耳夫有征

無戰尚矣戰而有成功次之

予自定伊犁平回廓勒金川以至近日戡定產

灣之役皆經指授機要戰無不克次無不取以成此數大功蓋數代恭難言低武則雖不能無戰而戰而俱獲成功要皆天心佑順乃克臻此

成而復變又終於不戰而成

功其事當較於戰而成功者為勝焉

沅惠復至黎城黎維祁仍棄其

國可謂變出不意然予調福康安為兩廣總督仍將集兵聲討迨沅惠再四顯懇又遣親往沅光顯詣福康安處齎表求降福康安察其情形實出至誠然後據情入告予因思黎維祁不能立國既徵天心厭棄而中朝又不利其土地即使集兵聲討亦不過歸於降服而究未必即服其心則何如此之不戰而

更足於中誠

天心之佑予躬宵為至厚耳

是豈人

力所謀乎

天也貌躬臨莅五十四載受

天之祐不一而足而於安南之事復不戰而成功則予之所感激

鴻貺益深故畏者當何如間嘗論之使孫士毅收黎城之後即能銳師至廣南獲阮惠乎又如孫士毅遵旨早班師雖無許世亨等三將之捐軀將未至我境而黎城復失其能不旋師以救之乎又如孫士毅亦同三武臣之捐軀沙場則士毅乃督戎重臣傷國體

為大不得不興師問罪是誠佳兵無已時矣且許世亨委曲護令孫士毅振旅而還使已亦同歸則更有說乃仍捐軀疆場其知方有勇為常人所不能每一道及為之落淚嘉尚至孫士毅非不知朕之獎勵功臣賞延後世設亦捐軀則其公爵必世襲罔替人誰不死且本欲衝鋒致命迨聽許世亨之言以國事為重寧歸而受朕之罰而朕豈肯不諒其心加以罰哉是二臣者其事不同而心則同茲事機之會總戎振旅以歸三將令藩國立祠酬忠且旣惠因有此過而

畏罪求降不勞一旅以定海邦是皆

吳運旋轉默為呵護豈予一人思慮所能及哉自茲
以後益深敬勤靜待

天恩六年歸政夫何敢更生別念乎此補詠安南戰
圖之什所由作也

第一幅嘉觀訶訶戰圖

聖製嘉觀訶訶之戰詩

河邊求救恤諸瑩無外王師事有征禁旅不須七萃
發總戎惟帥兩疆兵持危治亂原出正軍食壺漿多

順迎螳臂那當大車轍嘉觀一戰赫先聲

第二幅三異柱右戰圖

聖製三異柱右之戰詩

師行二黨叩營門巢近一酋逃負恩正旅偏軍窮列
寨右抽左旅去聲勦蠻村獲番多未胥資飽繫冠長纓
那許奔誠喜國威延世將名勲思克有元孫

第三幅壽昌江戰圖

聖製壽昌江之戰詩

三江橫亘此為脣固守羣櫻最要津乘霧定方掩牙

帳渡瀘卜漏失重垠攻堅志銳已奪魄砍竹編槎可
當士輪將領前驅衆軍奮嘉其同是漢軍人

第四幅市球江戰圖

聖製市球江之戰詩

遇險應知襲後攻諭馳未至不期同統軍素悉田豐
策勇將偏饒李愬雄臨下據高彼頗熾出奇計勝我
成功黎城將近兵威鼓衆志維揚企績崇

第五幅富良江戰圖

聖製富良江之戰詩

門戶黎城曰富良彼雖固壘衆倉皇數舟獨入真稱
壯既勇知方深惜臧復國一王仍棄守立祠三將永
流芳酬忠撫順遵王道無事佳兵兆吉祥

第六幅 阮惠遣阮光顯入覲賜宴之圖

聖製阮惠遣阮光顯入覲賜宴之圖詩

誰能不戰屈人兵戰後畏威懷乃誠黎氏可憐受
天厭阮家應與錫朝禎今秋已自覲姪遣明歲還稱
躬已行似此輸誠外邦鮮嘉哉那忍靳恩榮

御題平定苗疆戰圖一分

銅板紙印本縱一尺六寸
橫二尺八寸凡十六幅

第一幅興師圖

聖製興師二十韻

黔楚苗叛連事起倉猝蹙黔兵小勝屢楚鎮遭殃獨
以此賊猖獗民苗被屠毒憶自定古州民苗享安福
鎮草更設前防禦非不宿歸流數十年雜處任耕牧
久已不知兵突遇亂生速茲審知詳悉昨冬逆謀伏
幸遣福康安治錢移滇督聞故馳至黔正大解圍復
乘勝靖松桃後路期清肅入楚洗羣匪善後細籌熟
延及川之尊新督率兵裁會兵勢更壯京觀築待卜

三思苗之變非我利其族作亂害生靈茶衆投坑谷
興師不得已曲直

天昭矚楚軍無可望祇守鎮軍駕渴待黔與蜀雄軍
助邾域叶靖逆真窮黎一日三捷續

第二幅

聖製和琳奏報勦捕秀山苗匪至湖南界分設卡隘
肅清後路尅期會福康安進勦詩以誌事二十韻
炮木洪安汎三省界連道黔楚兩省苗分路各入擾
思欲搶秀山川苗或合撓川兵則屢勝賊寨多焚勦

秀山城守嚴民居皆安保賊勢未至猖但惜所殲少
和琳馳至蜀沿邊肅清了迨至晏農地傍寨期淨擣
所調新番軍勇壯骨輕矯登山疾如飛勝苗百倍好
初至即率戰川河蓋盡掃分兵三路進馬騰士均飽
聲勢愈以壯如隼擊弱鳥向被塗戾民二千歸戶早
尚未誤春耕秋成莫萬寶所惜賊分竄溪曲及峰嶸
殲賊雖不多然賊魂喪香進攻炮木山松桃指日到
叶兩督既會師威稜赫日收企待擒三先捷音速飛
表

第三幅攻克爆木山戰圖

聖製補詠攻克爆木山詩

平苗已繪戰圖成舊詠各題餘四呈補詠聊因吟四
什首章爆木紀攻程

第四幅攻解松桃之圍戰圖

聖製福康安奏報大勦逆苗攻解松桃之圍詩成二
十韻誌喜

正大既解圍松桃應急救其間嗅腦寨聚賊益紛湊
糾藏巖谷間淨勦路通透而何餘犯逃更聚松桃門

隨逃隨截殺向前仍殿後師更分兩路謀成弗遲留
將近馬乾溪賊益固守溜膚峰峙陡峭險仄徑雜輻
開遠渡溪河百計無不售衆兵雖敵愾一當百勇懋
突將奮無前心憫淚難收圍城賊蜂擁一戰骨竄走
城兵出夾攻圍解雄功就嘉憐言難盡賜翎異賞茂
視之如宗室誠不因前后在事諸將卒恩賚普教厚
其守城兵民賞亦命弗漏赫濯威既揚整旅前洗寇
西川軍諒會三逆首將授佇待大捷音早晚聞章奏
第五幅大勦土空寨苗匪解永綏城圍戰圖

聖製福康安和琳奏大勦土空寨苗匪解永綏城圍
詩以誌事

過河即克石花寨據險賊叢土空屯鳥道羊腸山極
仄兵單糧少堡孤存顯顯待救時難緩蠢蠢盡殲刻
與援拜井折骸未至極守官義戶普加恩便圖力進
淨巢穴翹望成功報曉昏三逆就擒靖苗域永期善
後慰黎元

第六幅攻克蘭草坪滾牛坡戰圖

聖製福康安和琳奏報攻克蘭草坪滾牛坡勦戮苗

眾將近賊巢穴詩以誌事

永綏雖解圍苗寨聚猶眾是應清後路乃可勒穴空
迎面蘭草坪山高賊聚重二臣督諸將分佈三軍統
直衝及傍襲胥中去聲竅要洞攀險力入深那顧胼胝
恫無前祇有進嘉觀心切痛一鼓據其要殲苗無數
慟仍有截糧寇伺隙尚敢闕巴圖魯侍衛截之護糧
送相機進掃巢逆首期禽貢誠嘉誠深憐渴待捷音
誦

第七幅攻克黃瓜寨賊巢戰圖

聖製福康安和琳奏攻克黃瓜寨賊巢詩以誌事

屈指十日盈未接軍營章兼之微望澤益切心焦忙
因詣

靈雨祠肅請膏霽霧憇餐理庶政驛遞軍書詳險彼
黃瓜寨賊之巢穴藏地據萬山中夏令陰雨長泥滑
石林立寨落週遭防二臣率宿將探徑劬勞忘分兵
五路進既整且弗荒夙曾經屢戰知勇兼知方分領
同一心值晴進勦強攀若復越坎埋根我武揚其奈
雨復作冒靈爭先當鎗箭簇雨陣殲賊數無央頑苗

不能抵遂據大山梁四圍峙絕壁賊巢據中因附近
賊寨護其數去聲幾百望復值雨如注徑途不可量雨
止勵將士下壓賊奔惶巢穴不能顧逃竄山陰颺燒
寨并燬害數里耀火光獨是逆首走窮追驅龍驤閱
捐悅繼憐悅賊不久亡憐我衆軍勞動績籌獎償佇
待告全捷殊恩褒忠良

第八幅攻克蘇麻寨戰圖

聖製福康安和琳奏攻克蘇麻寨一帶賊巢詩以誌
事

七朝未接軍營章宵旰南望不可當攻克黃瓜巢穴
掃無奈賊首先逃亡茲經詢明居首者實吳半生稱
吳王所餘三逆雖稱首服其管束同為殃但獲巨擘
餘自易蘇麻巢穴深潛藏宿將五者領軍駐牽掣賊
勢據大梁更分四路刻期進入深攀險爭相將殲賊
數多不可計焚寨烈燄冲天光展轉賊首乃潛遁憇
兵整力前攻戕上下西梁恃險固誓擒要首騰奏詳
兩督衆將誠盡力閱奏弗忍縉衷腸嘉之悔之切方
寸那更督催進以忙不逾數日企飛遞俘逆功歲承

賞慶

第九幅攻得茶它柳分等處賊巢戰圖

聖製福康安和琳等奏攻得茶它柳分等處賊巢降
苗愈衆進圍鴉保廓家龍平賊穴生擒賊首吳半
生等大功近成得詩二律一韻

春夏兩來胥計苗師之正曲理原昭誰知地險延時
節加以秋霖追小宵鼓勇直前圍近穴擒生不日趁
晴朝香山紀勝亭無負宜據諸峰頂最超

喜接捷音靖逆苗

天恩錫福孔之昭蓋臣念祖同內外手足腹心扶肝
宵何幸十全增一事解愁九日慰今朝雙忠旅勇胥
勞苦晉爵頌金賚合超

第十幅攻克高多寨生擒逆首吳半生戰圖
聖製福康安和琳奏攻圍高多寨生獲逆首吳半生
大功告成詩以誌喜

功成知近沛恩施旬日擒兇喜報馳中外一心
天賜佑始終九月績非遲批艱冒險衆誠苦錫爵頌
金我豈辭慚愧未曾舞干羽古今不逮審如斯

第十一幅攻克廖家冲生擒首逆石三保戰

圖

聖製補詠攻克廖家冲生擒首逆石三保詩

廖家冲據石三保惑衆假顛禍始猖奪險擒渠不日
剋首功今尚憶賢良

第十二幅收復乾州戰圖

聖製補詠收復乾州詩

疆臣昔竟失乾州三路兵驅上下游十寨二臺雖據
隘一臣揮指大功收

第十三幅攻克強虎哨戰圖

聖製補詠攻克強虎哨詩

補圖次第各成篇強虎之苗靖以全邪教東西窳無定凱音待歲尚怵然

第十四幅攻克平隴賊巢戰圖

聖製署將軍明亮等奏官兵攻克平隴賊巢詩以誌慰

蓋臣繼逝心如矢兩將調停意少蘇適命大員商進勦可嘉同志竭佳謨乾州已獲仍前烈平隴茲收續

後誅速待生擒致二豎十全功外一功符

第十五幅捷來圖

聖製捷來詩

平隴驅巢守養牛養牛復克捷音稠雖然屢勝亦足
喜未得首先那解憂督率由來在志定重輕豈可視
佯投用兵久矣懼兵甚詎祇蕭王嘆白頭

第十六幅攻克石隆苗寨戰圖

聖製明亮等奏報攻克石隆苗寨陣斬石柳鄧大功

告成詩以誌喜

歷歲捷音盼詰朝露市觀七旬寧祇格一首正誅完
母已行殲戮有慙舞羽千兩臣規畫定二將鎮持安
更復圖環擊仍增贊大端用長各努力無貳合陳丹
鼓勇率羣旅同心協衆官險峰如翼上深穴那容盤
平隴據前窟貴魚襲後噴分投進四路采入獨先殫
左右循頭壓繞圍從尾刊渠思冒險出子乃被生攔
次第視功賚慰心敢志寬亦由衷素定誠喜衆爭搏
本類度之懇真成項遇韓雙忠悲已渺未得此功看
御題平定仲苗戰圖一分

銅板紙印本縱一尺六寸橫二尺八寸凡四幅

聖製雲貴總督鄂輝奏報勦淨狎苗餘黨全黔底定
詩以誌慰

勦保調川靖邪教鄂輝留貴定黔苗許多善後資徐
理諸務佳章報一朝查得物娘擒女犯黃阿金首執
男僚全沖洗盡下河莫仍企亂音未免焦

國朝宮史續編卷之九十九

書籍二十五

圖繪一

輿圖房圖目

皇輿全圖十卷

紙本方格縱一尺七寸橫一丈六尺

第一卷恭載

聖製題輿地圖詩

括地多年仰

聖猷

輿地圖目康熙年間 皇祖命人來傳詣各
部詳詢精繪而後定或有不能身履其地者必

周諮博訪而載之既成

敷真今復逮渠搜

工年平定準噶爾

錫以銅板垂諸永久

西諸部悉入版章因命都御史何國宗率西洋人由西北兩路分道至各鄂拓克測量星度占候節氣詳詢其山川險易道路

遠近繪圖一如舊制閱誇詎類叅軍注阮塞應同主吏收蒞切覲光周誥凜匪闕鑿空

上聲漢臣求字安歲

美吾恒願望蜀寧當意更留

敢云擴宇歲

前猷偃伯從茲罷勦搜厄魯馬牛無一牧筠沖屯堡

並全收乾隆乙亥平定準噶爾各部既命何國宗等分道測量載入輿圖乙卯諸回部悉隸版籍

復遺明安圖等前往按地以次釐定上本朝文軌期占辰朔下列職方備繪前圖永垂徽信

同奉昧谷寒暄重細求無外

皇清王道坦披圖奕葉慎貽留庚辰秋八月疊前韻

再題

上鈴廣
運之寶

第二卷

縱同上
橫二尺六寸

第三卷

縱同上
橫二尺九寸

第四卷

縱同上
橫二尺一寸

第五卷

縱同上
橫二尺五寸

第六卷

縱同上
橫一尺一寸

第七卷

縱同上
橫二尺七寸

第八卷

紙同上
橫二丈

第九卷

紙同上
橫八尺

第十卷

紙同上
橫一丈四尺六寸

皇輿斜格全圖四卷

絹本
縱三尺八寸
橫二丈三尺三寸四卷同

卷首恭載

聖製詩

與方格圖
同鈴寶同

霧靈山陵寢總圖

一軸
絹本
縱七尺
橫三尺三寸

永陵圖

一幅
紙本
縱一尺九寸
橫三尺二寸

福陵圖

一幅
紙本
縱二尺六寸
橫二尺八寸

昭陵圖一幅

紙本縱三尺七寸

孝陵圖一幅

紙本縱一丈零五寸

孝陵圖樣一卷

紙本縱三尺二寸

泰陵圖一幅

紙本縱七尺四寸

勝水峪圖一軸

紙本縱八尺五寸

勝水峪風水圖一幅

紙本縱四尺

五峯山風水圖一卷

絹本縱二尺九寸

龍旺坡風水圖一卷

絹本縱三尺五寸

霍家莊風水圖一幅

紙本縱二尺九寸

董各莊風水圖一幅

紙本縱五尺四寸橫四尺二寸

蔣府山村風水圖一幅

紙本縱三尺四寸橫二尺七寸

密勿村風水圖一幅

紙本縱三尺六寸橫三尺三寸

灤河濡水源圖併考證一卷

紙本縱一尺七寸五分橫三丈四尺

聖製灤河濡水源考證

濡水見史傳者凡五

說文出於東入漆涑者涑郡之濡也廣輿記出易州窮獨山一

名聖女水者易州之濡也並音濡左傳出高陽者河間之濡也音而三水皆由天津入海此獨石口外之濡讀如難音與灤近其水自由永平府之樂亭縣入海與畿內三濡迥不相涉又水經注蒼梧之濡水出永豐縣濡山字亦音而惟灤河之濡水源遠流長雄儒名亦通相同耳

於其四鄜道元水經註所云出禦夷鎮者也昨歲命

方觀承考濡源委亦即繪其梗槩條分縷析而為之

說矣然以漢文訓蒙古語未如同文韻統得字音之

正而鄂博之類穿鑿更甚蒙古語謂堆砌石以表祭

戎較且引鄭氏及詩大雅之言證為較祭行路神之

義鑿而誇矣曾為鄂博說以正其誤他如們緯克之

為們緯連巴罕之為大壩類此者因命嚮導大臣努

三挈方觀承所遣同知黃立隆者重循其源以至其

委於是二千餘里之藥河曲折分合盡得其實因詳

注其地名及諸水之滙流而鄜道元歐陽修等並元

史河渠志所載相舛誤者都為四條考證如左夫江
淮河濟中國之四瀆也其理大物博較之灤河濡水
不啻倍蓰而禹貢以數語盡之茲注濡水數千言猶
有未盡焉古今相去不可及者如此蓋得其簡則足
以提要而欲其詳反不免致繁抑以塞外中土語言
不同人跡罕至斯固難易所由殊然則就同文韻統
會中外而傳濡水之實詎不在此時乎哉 灤河源

出獨石口外東北一百餘里巴延屯圖古爾山

山為興安

正幹自張家口向東至獨石口外為大山折而西北
過上都城入於周陽之海喇堪與興安大嶺相連屬

山泉處較興安山梁尤為特出山陽山陰樹木茂密
與地山異信為名山山陽為氏人居此山陰皆察哈

爾蒙古游牧地口泉湧出名都爾本諾爾涓流曲折伏而復

現西北經訥克里和洛有小水自東注之又北經哈

丹和碩之西噶爾都恩台之水自東注之又曲折西

北流至茂罕和碩自都爾木諾爾至此計七十餘里三道河自東來

匯之其水一出庫爾達巴罕各相距十餘里為一河

河流始暢又西北流復有二小水一自布爾噶蘇台

一自克爾哈達先後來注之八十里經察汗格爾俗名

西涼亭烏蘭河屯至上都店入多倫又北流十餘里經

淖海和碩折而東北二百五十餘里經博洛河屯至

庫爾圖巴爾噶遜河屯喀喇烏蘇自東注之又三十

餘里至上都河屯

上都即元開平府灤水經其城南故名上都河

察汗諾爾

自北注之又六十餘里經都什巴延珠爾克山至察

汗鄂博東克伊

綑河自東北來滙之

河出興安山梁之陽南流伊克

霍爾昆巴罕霍爾昆伊札爾三水自東注之西與海留台河合而為一入於上都河

河水倍暢

折而東南流十八里至磴口額爾德尼布拉克自西

注之

其水經多倫諾爾之北

又十二里至大河口圖爾根伊扎

爾河自東北來滙之

其水亦出興安山梁之陽逶迤西南流錫喇北拜自北入之又

西南流摩霍爾伊北爾
自東南入之滙注於此

又南流七里沙岱布拉克自

西注之又折而西南流二里霍洛圖布拉克自東注

之又九里海拉蘇台河自西注之又一里蒐集布拉克

自東注之又南流一里渾齊布拉克亦自東注之

又十里察汗郭勒自西注之又十一里什巴爾台河

自東北注之

其水出伊克空郭洛鄂博
西為木蘭圍場西界

又折而西復折

而南八里克壽布拉克自西注之又十七里經馬北

灘

入四旗廳界

布爾噶蘇台哈丹和碩河自西注之又十

七里經半壁山又南經大廟灣折而東後折而西南

五十八里頭道河自西注之又二里羅密塔子亦自西注之轉而東南流三十二里至木廠又折而東流二十四里經韭菜梁又九十五里經小遠東至瓜地摩霍爾阿爾善所出之湯泉自南注之又二十七里

經西七庫爾奇勒河

俗名小索河

自北來匯之

其水出興安山

陽三文分引過托霍隆和洛合為一西南流會瑪尼圖卡倫哈朗圭達巴罕珠爾噶台海拉蘇台諸水折而東向會霍朱郭勒哈爾渾諸水又噶拜卓索河音布拉克昂河諸水復先後會之合為一河注於此

自此遂名灤河又二十七里至郭家屯折而南流四十六里至大對山又折而東復折而南屈曲行八十

餘里至興隆莊

河入喀喇

南流五十九里經五道河折

而西南流四十九里至張博灣興州河自西北來匯

之

其源出沙爾呼山西經土城子東南流曲注於此

折而東流七十餘里經

喀喇河屯繞行宮東流伊遜河自北來匯之

其水發

內南流經博洛河屯與伊瑪圖河合西南流屈折注此

東南流三十四里至石

門入熱河

又四十七里經鳳凰嶺固都爾呼河自北

來匯之

其源出固都爾呼達巴罕西南流與茅溝河合又與賽音郭勒河合三源既匯沿迤暑山

莊東北其水會茅溝後既與湯泉合至是行宮內亦有溫泉流出匯之遂名熱河

水至此益

大折而南流四十三里白河自西注之

此與發源瑪尼圖達巴罕

經雲縣會湖
河之白河異

又三十三里老牛河自東北注之又

三十三里至滴水崖南二河自東注之又十里柳河

自西注之又六里車河自西注之又三十餘里至門

子哨

入遼安縣界

黃花川自西注之又三十二里清河自

東注之又九里豹河自東北注之折而西流二十里

經深河灘又南流折而東復折而西經楊枝峪又東

南流二十一里入潘家口折而東又折而西十里經

走馬哨又二十四里至澈河橋澈河自西注之又曲

折東南流七十餘里至白布店恒河自西北注之又

折而東流十餘里至煤峪口長河自東北注之又七

十三里過平崖子清河自東北注之

此與黃花川南之清河異

而南流二十餘里至峽口蛤螺河自東注之又二十

九里過遷安縣西經黃臺山又二十三里折而東三

里河自東注之

其河與二道泉合

又南流二十餘里經孤竹

城

入盧龍縣界

又三十五里至合河口清龍河自東北來

匯之

其源出特布克入桃林口復有一水自冷口來會之經永平府城西過虎頭石入於灤

河

流至此勢益寬大又十一里繞雪峯寺又二十一里

過武山西橫河自西注之又三里至偏涼汀

入灤州界

又

東南流五十六里過定流河入樂亭縣界又三十六里至

老河口樂河故今用又西南流二十里至小河崖清河自

西北注之此與黃花川南及平崖子之清河俱異又七里至石家坨灤

自此分支名高密河常洞大雨時仍分流達海折而西南流五十餘里

至新橋口入於海自河源至此約二十餘里 鄜道

元水經注云濡水出禦夷鎮東南按禦夷鎮為北魏

六鎮之一其建鎮之所雖不可考而魏太祖紀云築

長城於長川之西自赤城西至五原延袤二千里又

魏世祖破蠕蠕列置降人於漠南東至濡源西概五

原陰山分六鎮是禦夷居六鎮之東自獨石口外至
間平皆其故地以今所考上都河源方向核之道元
所言非盡無稽惟云二源雙川夾山西北流則未能
實辨都爾木諾爾為濡水正源而以夾山來會之三
道河誤為濡源雙引其云出山合成一川即今之茂
罕和碩耳至云又西北逕禦夷故城東其遺蹟無可
據慎以鎮北百四十里計之當在今烏蘭河屯之地
其餘諸山水雖與今圖不能悉合然所云又北逕箕
安山東屈而東北流似即今之多倫鄂博圖其云逕

沙野西又遶沙野北則似指伊克們綽克至喀喇烏
蘇一帶沙磧言之其云三泉鴈次合為一水注呂泉
水則似今之克伊綳河合伊克霍爾昆等三源也云
逆流水則似今之伊札爾也云木林山水則似今之
海留台水也云又東盤泉水自西北東南流注濡河
則似今額爾德尼布拉克也又所云東南水流迴曲
謂之曲河鎮以今圖屈折形勢觀之蓋即今大河口
自此以下道元即闕入白檀要陽按其地距所云會
武列水之熱河境尚七百餘里漢時郡縣安得至此

其耳尚何待深辨乎至云濡水又東南逕盧龍塞則
為今之潘家口無疑其云塞道自無終東出渡濡水
向林蘭陁東至清陁無終為今玉田林蘭陁蓋今喜
峰口清陁即今冷口即此以證不特塞垣疆界了然
即田疇引曹操迴軍盧龍塞之處亦可得其大概矣
其自潘家口以內至入海處鄭注所記州邑山水雖
名稱今昔不同而以志乘訂之皆約畧可數而未至
大耳蓋道元於諸水源委詢考綦詳故所言時有相
合者惟未嘗親履其地且以漢言誌蒙古山水名目

往往傳訛博會更不免謬以千里則泥古而不知核實之過也 歐陽修云灤水出炭山東北胡三省通鑑注因之其後陳組授職方圖考顧祖禹方輿紀要皆從其說今考獨石口外無所謂炭山者惟巴延屯圖古爾山據斡三云土人名其山為黑老山按昔人有謂濡水出黑龍山者龍老音轉承訛黑龍山之言似不為妄今巴延屯圖古爾山其陽石色黝黑所謂炭山或即指此而明統志乃以萬全縣南之炭山當之其地距獨石三百餘里則更風馬牛不相及矣

元史河渠志灤水出金蓮川中今獨石口外嵩源相
近處無所謂金蓮川者按金史地理志云桓州昌里
許東川更名曰金蓮川又元史地理志云世祖劉東
忠相宅於桓州東灤水北之龍岡中統元年為開平
府五年加號上都即今之上都河屯正在灤水之北
桓州尚在其西考元周伯琦扈從北行記云至失八
爾圖地多泥淖驛路至此相合地多異花有名金蓮
花者似荷而黃至察罕腦兒猶漢言白海也歷數驛
始至桓州又王惲中堂事記云灤野蓋金人駐夏金

蓮云云考其地皆興上都河屯相近失八爾圖當為什巴爾台蒙古語泥濘處也在上都西少北察罕腦兒當為察汗諾爾蒙古語白湖也在上都南少西金蓮川當在什巴爾台察汗諾爾之間元陳孚金蓮川詩云茫茫金蓮川日暎山色赭昔人建離宮今存但古瓦蓋金時於此建景明宮為避暑之所許安仁疏有金蓮千里之外語以距京師道里計之亦相合又今什巴爾台少西北有和洛和山蓋即金史所謂昌里澣者川在其東去獨石口幾五百里其非濡源明

甚周伯琦賦得灤河送蘇伯修詩云清灤悠悠北
北千折紫環護邦國直疑銀漢天上來金蓮滿川靜
如拭蓋灤河先遶金蓮後至上都伯琦詠灤河而兼
及金蓮始指河流所經言之修元史者直以為灤出
金蓮川中誤矣